

# MEDICAL AID BAKENG SA BAHIRUWA BOHLE BA SOUTH DEEP



**GOLD FIELDS**

Jwalo ka karolo ya Tumellano ya Meputso ya 2018, ho ile ha dumellanwa le mokgatlo wa tlhophiso ya basebetsi hore bahiruwa bao e neng e se ditho tsa medical aid ba tlameha ho ba ditho tsa medical aid ka Hlakola 2021. Re dumela ho ba ditho tsa medical aid ke mohato o motle wa ntshetsopele bakeng sa bahiruwa bohle ba rona. South Deep e fumane dikgetho tse sa tureng haholo tsa medical aid mme e tla lefa karolo ya hao ya tefiso ya kgwedi le kgwedi ha o le setho sa medical aid eo o e kgethang.

## Lebaka leo ho ba setho sa medical aid e leng Tlamo



**1**

Re batla hore bahiruwa bohle ba rona ba fumane melemo ya ho sebedisa ditshebetso tsa tlhokomelo ya bophelo tsa praevelte, eo ba ka e sebedisang ka hore e be ditho tsa medical aid. Hona jwale, ha se bahiruwa bohle ba rona ba CAT 4-8 bao e leng ditho tsa medical aid.

**2**

Lefapha la bongaka la South Deep ha le sa hlola le tla fana ka ditshebetso tsa tlhokomelo ya motheo ya bophelo, kahoo o ke ke wa kgona ho fumana kalafo tllilining ya morafu ho toha ka 2021. Ho ena le moo, lefapha la bongaka le tla tsepamisa maikutlo haholo ditshebeletso tse ngata tsa bahiruwa tsa Bophelo Mosebetsing le ditlwaelo tsa ntle tsa bophelo bakeng sa bahiruwa kaofela.

## Medical aid e fana ka eng?



Medical aid e fana ka melemo e mengata ka ditjeo tsa kgwedi le kgwedi tse sa fetoheng. Melemo eo o ka e lefellang kgwedi le kgwedi e kenyeletsa ditshebetso tsa ho hlokomela bophelo ba hao ba mmele le wa kelello, jwalo ka diketelo ho:

- ngaka
- ngaka ya meno
- fiosiotherapisti
- ngaka ya mafu a kelello
- sepetlele

hammoho le meriana ya bohloko bo sa foleng le ya letsatsi le letsatsi.

Molao o bolela hore medical aid ka nngwe e tlameha ho fana ka se bitswang prescribed minimum benefits (di-PMB) se bolelang hore ho sa natswe hore na o kgetha medical aid efe, o fuwa tshireletso bakeng sa maemo a kang mefuta e fapaneng ya kankere, mathata a pelo, lefu la tswekere le a mang a mangata, ho kenyeletswa le maemo a tshohanyetso a bongaka.



safety



integrity



respect



responsibility



innovation



delivery

**Siyaphambili**  
We are going forward

# KE HOBANENG HA KE TLAMEHA HO BA SETHO SA MEDICAL AID?

---



**Medical aid e tshwana le pholisi ya inshoreense ya bophelo ba hao, le ya ditho tsa lelapa la hao tseo e leng baphedisuwa ba hao ho medical aid.**

Ka ho lefa tefello ya kgwedi le kgwedi, o ka sebedisa melemo e mengata e kenyeletsang tlhokomelo ya bophelo ya letsatsi le letsatsi, meriana, phihlollo tlhokomelong e kgethehileng ya bongaka, hammoho le tlhokomelo sepetlele. E fana ka tshireletso ya ditjhelete haeba ka tshohanyetso o shebana le ditjeho tsa bongaka tseo o neng o sa di labella.

---



**Medical aid e tla lefella ditjeho tsa kalafo ya hao ya bongaka ho ipapisitswe le meedi e itseng e behilweng.**



**Ho ba le medical aid ho etsa hore o hlokomele lelapa la hao ka ho ba fumanela kalafo esa le pele, ho e na le ho ema ho fihlela ba kula haholo pele ba ka ya ngakeng.**

---



**Ka medical aid, o na le kgetho ya ho sebedisa dingaka tse haufi le wena, dingaka tsa meno le dipetlele tse amohelang medical aid eo o e kgethileng.**

Tsena di ka kenyeletsa dipetlele tsa praevete, moo ho na le monyetla wa hore o fumane tlhokomelo kapele haholo ho feta sepetleleng sa setjhaba.

---



# HO BA SETHO SA MEDICAL AID O TLA AMA MOGOLO WA KA JWANG?

Ha o kgetha medical aid ya hao, o tlameha ho nahana ka hore na o tla kgona ho lefa bokae le hore na ke ditho tse kae tsa lelapa la hao (baphedisuwa) tseo o batlang ho di kenyeletsa jwalo ka ditho ho morero ona. Haeba o se na baphedisuwa bafe kapa bafe, kapa haeba o sa batle ho ba kenyeletsa ho medical aid ya hao, o ka ba feela setho o le mong.

Gold Fields e tla lefa 60% ya tjehelete ya kgwedi le kgwedi, ho fihla boholong ba R1 200 jwalo ka tshehetso (subsidy). Karolo e setseng ya tefiso ya kgwedi le kgwedi (40% ya tefiso kapa tjehelete e ka hodimo ho R1 200) e tla hulwa ho salari ya hao pele o lefuwa kgwedi le kgwedi.

Haeba o sa kgetha le ho kena ho medical aid ya hao qetelong ya 2020, o tla etswa setho sa kgetho ya medical aid e bitsang tjehelete e tlase ka ho fetisisa. O tla kgona ho fetohela ho e nngwe ya dikgetho tsa medical aid kamora selemo se le seng.

Ditjeo tsa kgwedi le kgwedi di fetoha selemo se seng le se seng, mme selemo se seng le se seng o boetse o na le monyetla wa ho fetola mofani wa hao wa medical aid ho fetohela ho e mong, kapa ho fetohela moralong o fapaneng ho o fanwang ke mofani wa hao wa hajwale wa medical aid.

# KE ENG E LATELANG?

1

**Ho tloha ka 20 Mphalane, re tla arolelana tlhahisoleseding mabapi le dikgetho tse fapaneng tsa medical aid, le hore na o ka ba setho jwang.**



O tla sebedisa tlhahisoleseding ena ho etsa diqeto mabapi le hore:

- Na o batla ho ba setho sa medical aid efe
- Na ke baphedisuwa bafe, haeba ba le teng, bao o batlang ho ba kenyeletsa

Re tla arolelana tlhahisoleseding ena ka imeile, ka suphavaesa ya lona, kapa ka sehlopheng sa WhatsApp le ka diboto tsa elektroniki le tse printilweng. Haeba o eso kene sehlopheng sa ho WhatsApp, ka kopo etsa jwalo ka ho kopa suphavaesa ya lona ho e kenyeletsa.

2

**Ho tloha ka la 3 ho isa ho la 19 Pudungwana 2020, dikhamphani kaofela tsa medical aid di tla ba le boemedi ho roadshow (pontsho ya tseleng) mane South Deep. Re hlophisitse hammoho le disuphavaesa tsa rona hore bahiruwa kaofela bao e seng ditho tsa medical aid, di tla kgona ho ba teng ho roadshow, moo o tla kgona ho tlatsa diforomo tsa kopo, kapa ho kopa tlhahisoleseding e eketsehileng e tla o thusa ho etsa qeto ya hao. Re boetse re na le moeletsi ya ikemetseng ya ka kgonang ho o neha keletso.**

Lefapha la ditho la HR re tla boela le be teng, ho hlalosa hore na ho kena ho medical aid ho tla ama jwang tjehelete ya hao eo o yang ka yona lapeng kgwedi le kgwedi.

Kgabahareng, sheba dipuisano tse nang le tlhahisoleseding tse tla araba dipotso tseo o ka bang le tsona mabapi le:

- Dikgetho tsa medical aid
- Kamoo medical aid e sebetsang kateng
- Melemo le ditshebeletso tseo o ka di sebedisang hammoho le medical aid ya hao
- Seo o lokelang ho se lokisetsa bakeng sa letsatsi la ho kena ho medical aid

